



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

Hund, Wiguleus

Monachii, 1620

Diploma Agapeti PP. tale est.

urn:nbn:de:hbz:466:1-13553

ioshumilitati eius allubescentes, benedicimus & Catholicos approbamus. Unde rogantes hortamur sanctitatem vestrae fraternitatis, & in hoc nobiscum pariter assentiatis, & huic nostrae Apostolicae sanctioni vestram confirmationem, praebearis.

IOANNES sanctae Catholicae & Apostolicae Romanae Ecclesiae huic sanctioni editae à me in Synodo apud Rauennam subscripsi. Signum Domini OTTONIS T S T. serenissimi Imperatoris: RODALDVS Patriarcha Aquilegensis Ecclesiae interfui & subscripsi.

Petrus S. Rau: Ecclesiae. Et Walpertus S. Mediolan. Ecclesiae Archiepiscopus Lanuardus S. Mindensis Ecclesiae Episcopus. Otkerus sanctae Spirens. Ecclesiae Episcopus. Vuindo sanctae Siluae candidae Ecclesiae Episcopus & Bibliothecarius Apostolicae sedis. Martinus sanctae Sutriensis Ecclesiae Episcopus. Benedictus sanctae Portuensis Ecclesiae Episcopus. Euerardus Episcopus Aretinensis. Sichelmus Episcopus Florentinae. Petrus Episcopus sanctae Voltornensis Ecclesiae. Ioannes sanctae Ariminensis Ecclesiae Episcopus. Hubertus sanctae Lunensis Ecclesiae Episcopus. Honestus Episcopus sanctae Perusinae Ecclesiae. Petrus sanctae Camerinae Ecclesiae. Ingito Episcopus sanctae Asisinae Ecclesiae. Leo Episcopus sanctae Asinatae Ecclesiae. Ioannes Episcopus S. Calliensis Ecclesiae. Erfemarius Anconitanae Ecclesiae Episcopus. Atingus Episcopus. Auximanens. Ecclesiae. Benedictus Humanatae Ecclesiae Episcopus. Eberardus Efinatae Ecclesiae Episcopus. Benedictus Fuliginae Ecclesiae Episcopus. Iulianus Lucerinae Ecclesiae Episcopus. Gregorius Comacensis Ecclesiae Episcopus. Ruodo sanctae Cefinatae Ecclesiae Episcopus. Arnaldus Popiliensis Episcopus. Radaldus Rosiliensis Episcopus. Martinus Mantuanens. Episcopus. Stephanus Ficoclenis. Episcopus. Ioann. Bellunens. Episcopus. Albericus Perusinus. Episcopus. Rodolphus Vicentin. Episcopus. Gerhardus Fauentinae Ecclesiae Episcopus. Petrus Metaumaucens. Episcopus. Hubertus Parmensis Episcopus. Luizo Cremonens. Episcopus. Ermenald. Regionens. Episcopus. Gorbald. Polonens. Episcopus. Gaufridus Patauens. Episcopus. Arnald. Tridentinae Episcopus. Teutpertus Feltrensis Episcopus. Zenobius Fesulanus Episcopus. Gothofredus Aquens. Episcopus. Roilo Astens. Episcopus. Luindo Glosinensis Episcopus. Adalbertus Bonens. Episcopus. Vindo Modinens. Episcopus. Iohannes Vnolensis Episcopus. Ratherius Veronens. Episcopus. Antonius Brisuens. Episcopus. Vdalricus Bergamens. Episcopus. Ioannes Iordanens. Episcopus. Aupaldus Nouanens. Episcopus. Lupus Spoletinae Ecclesiae Sigihardus Cetens. Episcopus. Rihehard. Fanensis Ecclesiae Episcopus subscripsi. Actum Rau. VII. Kal. Maij, per manum Stephani Scriuarij sanctae Romanae Ecclesiae. In mense Aprili & indictione decima in praesentia omnium sanctorum Episcoporum.

Diploma Agapeti PP. tale est.

t.

AGAPITVS Episcopus seruus seruorum DEI, fratri dilectissimo & reuerendissimo GERARDO sanctae Lauriacensis Ecclesiae Archiepiscopo, in Christo salutem. Petitiones tuas pro renouandis siue approbandis Ecclesiae tuae priuilegijs, venerabilis Fuldensis monasterij Abbas HADEMARVS huc causa orationis veniens cum magna beneuolentia nostrae experientiae suggestit, pariterque iurgia & disceptationes grauissimas inter te & Heroldum Archiepiscopum pro vtriusque suscepta in vna prouincia pallij auctoritate exortas, flebiliter nunciauit, quod & ipsi ex debita pastoralis cura nimio cordis moerore dolemus, detestabiliterque profanamus. Quippe sancta & vniuersalis Ecclesia, cui auctore DEO praesidemus à religiosis atque pacatis sacerdotibus suis, & in caritate non ficta solidatis, quasi totidem columnis innisa fulcitur; discordantibus autem & aduersum se hostiliter inflante superbia animum tollentibus, praesertim tantis Pontificibus velute euulsis sustentaculis casura, non sine magno periculo & vigoris sui detrimento à proprio statu concutitur. Insuper etiam dum de foris inter vos pro pallij honore pertinaciter huiusmodi contentio exercetur, agitur vt in fraternam emulationem decor sacerdotij intus euacuetur.

Inde ergo frater Officium nostrum illud esse perpendentes, ne inimicitarum fomite in vobis succrescente dissidium sanctae DEI Ecclesiae atque scandala-

lura

lum sine consilij & utilitatis vestræ respectu diutius nutriatur, ad sequestrandū sitē vestram accedimus nos arbitres tā ex sollicitudine à Domino regiminis in- iuncti, quam amborum vestrorum amore ad hoc permoti, ita videlicet vt & de prælibata conflictus vestri querimonia rationabilibus iudiciis rite iustitiæ satisficiamus, & vos omni explosa controuersia in fraternam concordiam Christo moderante reuocemus.

Notum est igitur, literisque penes nos commendatum, quibus Ecclesiarum locis dignitas pallij ab hac Apostolica sede debeat. Lauriacensem autem urbem antiquitus Metropolitanam fore, & Archiepiscopij sedem cui sanctitas tua præesse dignoscitur, sicut in priuilegiis authenticis ad nos vsque à te directis legimus, ita quoque inuentis quibusdam exemplaribus chartæ: & verustate admodum attritis in Archivo S. Petri reperimus. Hanc etiam in exordio nascentis Ecclesiæ & immanissima Christianorum persecutione à Doctoribus istius sedis Catholice fidei nouimus rudimenta percepisse, & exinde à succedentibus prædicatoribus in superioris atque inferioris Pannoniæ prouincias eiusdem fidei emanasse gratiam. Quibus etiam duabus prouinciis illarumque Pontificibus vsque ad tempora Hunnorum non alius, quam sanctæ Lauriacensis præfuit Archiepiscopus, quorum barbarica feritas non solum prædictam Lauriacensem Ciuitatem, verum etiam in circuitu adiacentes regiones depopulauit, atque funditus desolauit. Inde quidem contigit, vt Episcopi hac necessitate compulsi, sede illa deserta atque aliò translata, simul etiam Archiepiscopalem ipsius sedis desererent honorem. Modernis autem, nec multum retro elapsis temporibus vacante ab Apostolico Vicario Bauariorum regno, ARNO primus sanctæ Salzburgensis Ecclesiæ subrogatur Archiepiscopus. Hæc testatur annosa memorialis sacri scripti historia. Modo autem mortalibus propiciante Christo ab hostibus sanctæ Lauriacensis Ecclesiæ quiete, & inhabitandi securitate concessa, non alibi, quam ibidem fraternitatis tuæ cathedra oportet haberi. Quapropter reintroducimus te eidem Ecclesiæ sanctorum Patrum videlicet prædecessorum nostrorum, sed & beatæ memoriæ Domini LEONIS Papæ, à quo Excellentia tuā pallio ac priuilegio donata est, sanctiones atque statuta exequentes, ac prædictā sanctā Lauriacensem Ecclesiā potestate & vice beati PETRI Apostolorum Principis absoluius & Archiepiscopamus & in culmen Metropolitanum sublimamus & priuilegia nobis transmissa manu propria munimus & corroboramus, ac rata esse firmamus denuo; tibi pallium cum præsentī præcepto secundū vsū prius concessum, successoribusque tuis perpetim tenendum tradimus. Hisque examusli ita ad iustitiā reintegratis, decreuimus rixas vestras, & dissensiones præfata ex causa deriuatas dirimere, atque in fraternū amorē vos reconciliare, sic vt utriusque vestrorū modo susceptus seruetur pallij honor illæsus, hortantes quatenus Apostolicè instituti, amodo non in contentione & æmulatione maneatis. Constat quidē quod canonicè singulis prouinciis singuli ordinantur metropolitani, proinde distribuere, atque determinare ita vobis parochias, bonū & pacificū æstimamus vt diuisis duabus Noricæ regionis prouinciis, Heroldo Archiepiscopo Occidentalis Pannoniæ cura committatur & custodia; tibi autem successoribusque tuis, propter emeritam antiquitatem sanctæ Lauriacensis Ecclesiæ, cui iure iuniorum reuerentia assurgit in benedictionis & sedis ordine Prælati atque Præpositi prouidentiam Orientalis Pannoniæ, regionemque Auarorum atque Marahauorum sed & Schlauorum, qui modo Christiani, vel adhuc per baptismum Christo lucrandi sunt, circumquaque manentium credimus, nostramque Apostolicam vicem in illis partibus prædicandi, & pro arbitrio vestro vbi opus est Episcopos constituendi, omniaque disponere atque ordinare tali autoritate

atque potestate delegamus, ac si ipsi presentes affuissemus. Quod si iam dictus Heroldus Archiepiscopus deinceps suorum uel quispiam successorum minime diffinito limite contentus, sed interdictam atque à sua potestate separatam Diocesim repetere peruicaciter conatur, nec à prohibita contentione schismate, per istas nostras Apostolicas traditiones atque determinationes compescitur: Ipse etiam pie concessa dignitatis munificentia penitus priuetur, atque secundum ius pristinum superior Pannonia continuetur inferiori, atque tua tuorumque successorum amba perpetualiter subiacent diuioni. Allubescentes autem assensumque præbentes istis nostris saluberrimis decretis, benedicimus & Catholicos approbamus, resistentes uero atque infirmare, uel omnino peruertere contententes anathemate maranatha sanctæ Trinitatis districtè percucimus, & Apostolica sententia, qua multati Anania & Saphira exspirauerunt damnamus, & cum blasphematoribus sancti spiritus sempiternis cruciatibus puniendos destinamus.

II. *Diploma Benedicti PP. VI.*

BENEDICTVS diuinâ fauente gratia atque totius populi Romani electione Apostolicus. FRIDERICO Salzburgensis Ecclesiæ Archipræsuli, vna cum suis fratribus, videlicet Noricæ prouinciæ Episcopis mansuram in CHRISTO felicitatem. Protoplasto generis humani atque eius semine serpentina suasionem in gemina cadente morte multas DEVS misericordia ductus medicinas misit in hunc mundum, Patriarchas scilicet iustos, Prophetas veridicos, legiferum, cum lege. Et his omnibus mundum saluare non valentibus nouissime filium suum humanâ carne indutum, ad redemptionem generis humani ad terras transmittere dignatus est. Eo itaque inter homines conuersante duodecim elegit Apostolos, quos ad seminandum uerbum DEI in corda fidelium per uniuersum transmissit orbem, quorum atque totius Ecclesiæ sanctum constituit PETRVM Principem, cuique gregem commisit Ecclesiasticum tertio ei dicens: *Pasce oues meas.* Cui etiam ligandi atque soluendi tradidit potestatem dicens: *Quodcumq; ligaueris super terram, erit ligatum & in cælis, quodcumq; solueris super terram, erit solutum & in cælis.* Et non solo sancto talis concessa est PETRO potentia, sed etiam suis successoribus, eius vicem in Ecclesia tenentibus, eadem ligandi atque soluendi à Deo tradita est potestas. Sancti itaque PETRI Apostoli successores per loca, prout opus erat atque decuit, constituerunt Archiepiscopos, qui eorum vicem tenerent in Ecclesiis, quia ipsi uniuersas regere non poterant Ecclesias. Nos quoque vicem beati PETRI Apostoli prout hominibus istius temporis possibile est in Ecclesia tenentes statuta illorum Antecessorum nostrorum confirmare quantum possumus libenter desideramus.

Concedimus itaque vicem Apostolicam FRIDERICO Salzburgensis Ecclesiæ antistiti, eiusque successoribus in tota Noricæ prouincia & in tota Pannonia superiori videlicet & inferiori quomodo sui antecessores eandem potestatem à nostris habuere antecessoribus, ita scilicet ut nulli liceat in præfatis prouinciis sibi usurpare pallium, nec Episcopos ordinare, nec ullum officium quod ad Archiepiscopum pertinere debet, præter præfatum Archiepiscopum eiusque successores. Quicumque autem huic refragari uel contendere uoluerit decreto, quam nos uice beati PETRI Apostoli fungentes consensu nostrorum Episcoporum ac totius Cleri Romanæ Ecclesiæ decreuimus, sciat se beato PETRO eiusque vicario esse contrarium atque fore anathema usque ad satisfactionem, siue sit Episcopus aut Presbyter siue Clericus cuiuscunque ordinis, siue laicus,

cuius-

f. quod